

¡BOMBA!

Con la afición nacional,
a la cultura se abraza;
desde la escuela a la plaza,
que sea un Mundial Social



K'untzil

Miércoles 19 de noviembre de 2025

CAMPECHE · YUCATÁN · QUINTANA ROO · AÑO 11 · NÚMERO 2609 · www.lajornadamaya.mx

Ko'olelo'obe' tu beeto'ob u juum u paaxil mariachi tu noj kaajil París



“Taan u bin u yantal kmuuk”.
Yéetel u guitarronilo'ob, beyxan
u nook' bordarta'ane', mariachi
ko'olelo'obe' taan u bin u mu'uk'antal
u juumsiko'ob mexicoil paax; suuk u
pa'axal tumen xiibo'ob.

Mariachi paaxe', chíimpol'ta'ab
desde 2011 beey Patrimonio Cultural
Inmaterial de la Humanidad tumen
Unescoe', suuk u k'a'ayal tumen
u múuch' paaxil xiibo'ob. Ku
búukintiko'ob u nook'il charro yéetel
u p'óoko'ob. Múuch' paaxo'obe' ku
paxiko'ob k'aayo'ob jach k'ajóolta'an je'el
bix Cielito lindo wa Volver, volver.

Ba'ale' ts'o'ok u chan máan k'iin úuchik
u káajal u chíikpajal u múuch' k'aayil
ko'olel, máaxo'ob kaxtik u ye'esko'ob u
yóolo'ob ti'al u beetiko'ob u ki' juum le
paaxil je'elo'.

Tu cha'anil Festival de la Mujer Mariachi
Europa, beeta'ab le fin de semana máaniko', tu
noj kaajil París, táakpaj kamp'éel ti' le múuch'
ko'olelo'obo': xmxicoilo'ob Flor de Agave
(Guadalajara) yéetel Cielito Lindo (Durango),
británicail Las Adelitas yéetel franciail
Arrieras Somos.

“Miin ma' ya'ab ko'olel chíika'ani',
ts'o'oke' unaj u je'ebel u kúuchil
ko'olel ichil u le paaxil beya'
(mariachi), tumen tene' leti' kin
beetik”, tu ya'alaj ti' AFP, Alicia Leos,
ti'al u tsolik ba'axten tu káajak tu
ja'abil 2020e' u múuch'il Arrieras
Somos, tu'ux ku k'aay.

Aliciae' síij tu lu'umil México ba'ale'
ts'o'ok junk'aal ja'abo'ob kajlak París.
Leti' jo'olbesik u beeta'al cha'an, yáax
jump'éel u beeta'al Europa, ts'o'oke' u
ka'atéenil u beetchajal.

Británicail múuch' paax ku k'aaba'tik
Las Adelitas yanchaj tu ja'abil 2013,
yóok'olal Anna Csergo, máax, je'el bix
uláak' xmarichi'obe', yáax meyajnaj
yéetel u múuch' paaxil xiibo'ob.

“Ka'ache' talam u yu'ubal in t'aan ichil
le múuch' paaxo'obo'. Tin wu'uyaj maas
chéen wa bix u k'as u'uyajal, ma' tumen
wa mu'uk'aan in t'aani”, tu k'a'ajsaj máax
italo-húngaroil u ch'i'ibal, ba'ale' kajlaj
México. Le beetik tu káajsaj múuch' paax
yáax yanchaj tu lu'umil Europa.